

(verba hæc sunt Abulpharagii in Chron. Syr. a nobis recitata Tom.2. Biblioth. Orient. pag.335.) *Sergio Zachonio* Metropolitana, quem Archiepiscopum appellabat, præcepit, ut Georgium gentium Arabicarum Episcopum crearet: quem ordinarunt mense Novembri, duobus post Patriarchæ obitum mensibus, anno Græcor. 998. Ita Syrorum Jacobitarum Secta per totum Orientem diffundebatur, postquam Saraceni Romano illarum regionum potiti sunt Imperio. Tertius *Thomas*, quem inter Syros hæreticos suo ævo viventes Sophronius nominat, is est, qui *Heracleensis* appellatur, de quo hæc Abulpharagii verba ex Chron. Syr. Tom.2. Biblioth. Orient. p. 334. recitavi. *Sub hæc tempora floruit Thomas Heracleensis, Cœnobii Taril Monachus, qui a puero in Kenferinensi (Chalcidensi in Syria) Monasterio literis Græcis excultus, postea Mabugi (Hierapolis) Episcopus fuit. Exagitatus autem a Domitiano Melitiniensi, in Ægyptum profectus est, habitavitque in Anton (hospitio) Alexandria, in sacro Antonianorum Monasterio: ubi memorabili diligentia sacrum Evangeliorum Codicem & reliquos novi Testamenti libros admodum exacta & accurata emendatione restituit, post primam versionem Philoxeni Mabugensis studio elaboratam. Syriacam versionem a Thoma factam apud Alexandriam anno Græc. 927. Ind. 1v. (Chr. 616.) ex apposita ad autographum adnotatione demonstravi Tom.2. Biblioth. Orient. pag.93. Vitam ejusdem Thomæ ab Anonymo descriptam habes ibid. pag.91. ubi *Samosatis diem clausisse dicitur*. Ultimus horum *Severus*, cognomento *Sabocho*, Episcopus Kennesrinensis, hoc est, Chalcidis in Cyrrhestica, Athanasii Baladensis Magister, apud Abulpharagium in Chron. Syr. Tom. 2. Biblioth. Orient. pag. 335. a Philosophicis, Mathematicis, & Ecclesiasticis studiis commendatus.*

III. *Menas Alexandrinus*, Gajanitarum propugnator atque defensor hæreseos, & in aperto expugnans veritatis prædicationem. Postquam Severus Antiochenus Sede ob hæresim dejectus, unacum Juliano item hæretico Halicarnassi quondam Episcopo, Alexandriam se-